

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
OPĆINSKI SUD U SARAJEVU
Broj: 65 0 St 569320 16 St
Sarajevo, 04.07.2025. godine

Općinski sudu u Sarajevu, stečajni sudija Nebojša Joksimović, u stečajnom postupku nad imovinom stečajnog dužnika "HIDROGRADNJA" DD SARAJEVO U STEČAJU, ulica Izeta Čomare bb, Ilidža, van ročišta dana 04.07.2025. godine, donio je slijedeće

R J E Š E N J E

Zakazuje se III Skupština povjerilaca za dan

ČETVRTAK 21.08.2024. GODINE U 11,00 SATI

ROČIŠTE ĆE SE ODRŽATI U HOTELU HILLS ILIDŽA - KONGRESNA SALA

Na Skupštinu povjerilaca se pozivaju svi povjerioci kojima je priznato potraživanje.

Na Skupštini povjerilaca će stečajni upravnik podnijeti Izvještaj o radu između dvije skupštine, te će se raspravljati o izmjenama i dopunama Stečajnog plana "HIDROGRADNJA" D.D. Sarajevo u stečaju od novembra 2021. Godine.

STEČAJNI SUDIJA
Nebojša Joksimović

IZVOD IZ IZMJENA I DOPUNA STEČAJNOG PLANA "HIDROGRADNJA" d.d. Sarajevo u stečaju , od novembra 2021. godine

Maj 2025. godine

Ovim Izmjenama se na prvom mjestu brišu odredbe Stečajnog plana koje uslovljavaju njegovu primjenu ovisno o postojanju važećeg Zakona o visini stope zatezne kamate na javne prihode kojim bi se otpisale dospjele zakonske zatezne kamate. Nakon usvojenih ovih Izmjena, Stečajni plan bi se dakle primjenjivao bez obzira na postojanje Zakona o visini stope zatezne kamate na javne prihode kojim bi se otpisale dospjele zakonske zatezne kamate.

Nadalje kako u ovom momentu nije jasno da li će i kada navedene odredbe Zakona o visini stope zatezne kamate na javne prihode biti donesene (a od čega zavisi primjena usvojenog Stečajnog plana), radi otklanjanja ove prepreke u primjeni usvojenog Stečajnog plana, ovim Izmjenama Stečajnog plana stečajni upravnik predlaže da se izmjene i dopune odredbe Stečajnog plana Hidrogradnja d.d. Sarajevo iz novembra 2021.godine, na način da se izmjene i dopune Stečajnog plana vrše u dijelu nakon strane 34 Stečajnog plana, Prodaja privrednog subjekta, Poglavlje 3. Ciljevi stečajnog plana, u dijelu Osnove za provođenje iz novembra 2021 godine, tako da se tekst Stečajnog plana u tom dijelu mijenja i dopunjuje.

Izmjene se naročito odnose da se kupac kupovinom privrednog subjekta kroz stečajni plan, obavezuje uplatiti cijenu koja će biti uplaćena stečajnom dužniku Hidrogradnja d.d. Sarajevu u stečaju, čime će se ostvariti najvažniji cilj stečajnog plana – bolja isplata potraživanja priznatih u stečajnom postupku, u odnosu na visinu isplate koja bi se mogla izvršiti da stečajnog plana nema.

Osim iznosa kupoprodajne cijene pravno lice Hidrogradnja d.d. Sarajevo koje nastavlja poslovanje ostaje u obavezi uplatiti iznos na ime dospjele zatezne kamate na porezne obaveze Poreznoj upravi FBiH na 60 jednakih rata (koje je priznao stečajni upravnik Poreznoj upravi FBiH u procentu planiranog namirenja za taj isplatni red), ukoliko u roku od godinu dana ne stupi novi Zakon o izmjenama Zakona o visini stope zatezne kamate na javne prihode kojim se vrši otpis dospjele zakonske kamate.

Kao garancija za uplatu iznosa (u visini i procentu planiranog namirenja iz Stečajnog plana za taj isplatni red) na ime dospjele zatezne kamate na porezne obaveze kupac je saglasan da se na imovini organizacione jedinice Kakanj upiše hipoteka na iznos priznatih zateznih kamata (u visini i procentu planiranog namirenja iz Stečajnog plana za taj isplatni red) u korist Ministarstva finansija FBiH – Porezna uprava FBiH.

U tom pravcu izvršene su Izmjene Stečajnog plana od strane 34 pa nadalje samo zbog Zakona o o izmjenama Zakona o visini stope zatezne kamate na javne prihode, u jednom dijelu Pripremne osnove, tako da su tačke korigovane u skladu sa gore navedenim.

Takođe izvršene su Izmjene Osnove za provođenje u smislu da je formirana nova grupa povjerilaca pod naslovom E grupa- opšti isplatni red - zatezne kamate Porezna uprava FBiH.

U ovom dijelu – Osnove za provođenje dodaje se nova tačka koja se odnosi na zasnivanje hipoteke – založnog prava, ukoliko u roku od godinu (od dana pravosnažnosti Rješenja o potvrđivanju Stečajnog plana) ne stupi novi Zakon o izmjenama Zakona o visini stope zatezne kamate na javne prihode, Hidrogradnja d.d. Sarajevo se obavezuje uplatiti iznos (u visini i procentu planiranog namirenja iz Stečajnog plana) na ime zatezne kamate Poreznoj upravi FBiH na 60 jednakih rata (koje je priznao stečajni upravnik Poreznoj upravi FBiH).

Iz čega prozilazi da Stečajni plan ostaje nepromijenjen u dijelu namirenja povjerilaca da kroz prodaju privrednog subjekta kupac uplaćuje kupoprodajnu cijenu od 88.067.552,50KM, da se iz kupoprodajne cijene namiruje :

- grupa A – razlučni povjerioci u 100% iznosu,
- grupa B - (Porezne obaveze – doprinosi, porezi) u 100% iznosu,
- grupa C (Raniji zaposlenici stečajnog dužnika) u 100% iznosu ,
- grupa D (opšti isplatni red – pravna/fizička lica) 70% iznosa od iznosa priznatih potraživanja
- grupa E (opšti isplatni red - zatezne kamate Porezna uprava FBiH)
Ova grupa povjerilaca je formirana na bazi pravnog statusa povjerilaca opšteg isplatnog reda i planiranog namirenja E Grupe - Porezna uprava za potraživanja dospjelih zateznih kamata koje će biti isplaćene u roku od 5 godina, u 60 jednakih mjesečnih rata, pod uslovom da u roku od godinu dana od stupanja na snagu ovog Stečajnog plana ne stupi na snagu Zakon o izmjenama Zakona o visini stope zatezne kamate na javne prihode o otpisu dospjele zatezne kamate.

STEČAJNI UPRAVNIK
ZIJAD FAZLAGIĆ